

修玉洞春

贈鄆縣老張姑洎眾女姑

異人爲作異於人  
幹運三奇與六辛  
玉樹常榮常是溉  
瓊華不謝不關春

贈鄆縣王姑暨眾女姑

優游恬淡養真人  
不須酒肉與葷辛  
醞翻三盞千秋歲  
蟠桃一顆萬年春

贈鄆縣趙姑暨眾女姑

無爲清淨鍊丹人  
免受紅塵萬萬辛  
玄圃種成無漏果  
水鄉枯盡沒殘春

道藏輯要

洞玄金玉集

哭

胃集六

贈柳蔣辛老宿

誰爲吉善好心人  
柳蔣村中老宿辛  
悟道難迷塵世景  
修真易見洞壺春

秦鎮酒都監王武德小娘子告出家以詩贈之

投玄入妙樂天人  
鍊氣何曾苦上辛  
我悟收來不到處  
自然不是嶺頭春

又

物外逍遙坦蕩人  
也無心苦與心辛  
爐中養就清涼火  
鼎內燒成大藥春

寄咸陽小張錄事暨眾道友